

廣靈縣志 目錄

卷首

序

圖

凡例

修誌姓名

卷一 方域

沿革

星野 災祥附

疆域

形勝

鄉里 寨洞墩舖舍
古蹟塚墓附

市廛

卷二 營建

城池

公署

文廟

壇壝

祠廟

坊表

養濟院等附

卷三

山川

諸山

諸水

景物

橋梁

卷四

風土

鄉俗

物產

卷五

賦役

田賦

起運留支附

稅務

倉儲

戶口

卷六

政令

鄉約

卧碑

詳文

告示

條約

卷七

秩官

知縣

教諭

訓導

典史

武職

教場草場
武備附

卷八

選舉

進士

舉人

貢生

例監

武舉

仕宦

榷吏

鄉飲

封贈

龔廩

農官

卷九 人物

忠烈

孝行

義舉

貞節

孝婦

後編

卷十 藝文

記

傳

贊

詩

卷末

舊誌序

乙丑修邑誌姓名

辨疑

雜錄

廣靈縣志卷之十

藝文誌

藝文者誌書之餘緒也修誌者類以藝文綴於終
用以紀邇自之盛衰景物之佳麗興作則有記人

則有傳如斯而已廣邑雲中僻邑也寫太平則唐太

宗飲馬長城窟一首盡之

詞曰塞外北風切交河冰已結瀚海百重波山陰千

里雪殍成危烽火層巒引高節悠悠卷旆旌飲馬出
長城寒沙迷騎迹朔吹斷邊聲胡塵清土塞羌笛韻
金鉦絕漠干戈戢車徒振原濕都尉反龍堆將軍旋
馬邑揚塵氛霧靜紀石功名立荒裔一戎衣靈臺凱

歌入

雲中之盛卽廣邑之盛也寫離亂則子蘭一首盡之

詞曰遊客長城下飲馬長城窟馬嘶聞水腥爲浸征
人骨豈不是涼泉終不成潺湲洗盡骨上土不洗骨
上冤骨若不沉水四海不還魂空流鳴咽聲中疑是咽

雲中之衰卽廣邑之衰也又山邑無多興作其文廟
城池等記已悉舊誌八景雖多附會但名人題咏頗
繁亦選其尤者載入誌中如以前如筆公等前史
未盡以爲廣邑人則當爲賢旣已採入卽仍之以
光誌乘惟勝朝王公二公之精忠

本朝二韓之孝友二周李仝之節義浩氣貫日至今猶有
生氣舊誌或載或闕畧無表章殊屬憾事爰同共事
諸人或立之傳修其墓有能詩者並爲題咏雖曰誌

書之餘緒其于振興風化不無小補云爾誌藝文

重築廣靈城碑記

熊璋豐城人

宏治紀元之八年沙河孟公繼先奉命來治廣靈邑
臨北邊土瘠民貧素號難理非才通識敏之士或不
足以有爲也侯到任首以課農興學爲務平催科清
訟獄不苛不擾民甚便之尤慮縣近邊境無以保障
斯民雖有古城年遠傾圯欲修築葺理以爲保障之
具于是申達於各上憲設法措置庀材鳩工起於九
年三月落成於十年九月城郭樓櫓煥然一新足以
聳人之觀瞻壯邑之金湯矣侯蒞政未及三載政通

人和百廢俱舉街丐余文以爲之記余維侯之加惠
斯民博矣所養之周尤保護之至真無負於民之
父母哉昔卓文惠密而陞太傅周榮自鄜而擢尚書
魯恭起中牟而官至司徒皆由治邑獲褒寵之榮也
侯若不自滿假益勵厥守殆將與曰茂曰榮曰恭齊
驅而並駕者矣遂爲之記

甄包廣靈城記

翰林院

劉虞夔

高平人

嘗讀易曰王公設險以守其國惟城斯險惟險斯固
郡邑之不可無城也尚矣但築於土者厥功若易而
難於悠久惟包之以甄則金湯鞏固而利及萬世謹

按廣靈邊關伊邇民易罹鋒鏑前令尹東光王侯春
鑒土木之變始謀重築延袤三里許若堪保障而襁
久傾圯保安張侯理南暨馬侯承志相繼修葺視昔
頗可觀而悠久則未也隆慶辛未喬侯甫視篆登城
眺望憮然興嘆曰斯城可以衛吾民乎今天子聖明
邊境寧輯然未雨綢繆古人所尚及是時而包以甃
可保無虞會督撫吳公閱邊令郡邑土城者磚之檄
至侯欣然喜曰吾素志也乃謀諸守備程公萬里典
史吳橋宋汝楠及邑之薦紳耆耆考量地度基計工分
力慮財之匱也請給於內帑白鏹七千餘兩恐民力

綿弱借蔚渾民壯若干名又簡省祭王宦等及陰陽
之勤敏者分董之衆聞命若踴赴義若趨砥礪伐諸
山薪薰取諸野磚垣成於陶甕餐餽於傭殫力供役
弗緩弗急侯公暇躬蒞其地檢勤惰而勸懲之以故
動雖衆而閭里不驚勞雖大而功爲易就未朞年而
雉堞聳飛巍峩屹立厥績告成矣美哉洋洋乎誠萬
世之利也城周圍三里五分仍舊貫也不基三尺磚
八五聯冀堅久也垣高四丈女牆七尺杜侵侮也門
樓二角樓四遠觀望也敵臺有八上置鋪舍便防守
也濠之深濶俱三丈固地利也非侯慮周而識遠謀

定而畫詳胡能底績若是耶是役也經始於萬歷甲戌落成於萬歷乙亥侯諱密字汝登別號東潯陝西同州人也乙卯鄉貢進士今陞霸州刺史廣靈以侯行而功不可泯俾余掇摭其槩若興學校禮薦紳卹孤癯墾荒田鋤豪右節冗費操堅不改廉勵無求善政種種將必與斯城俱垂悠久民之口碑自在焉

廣靈縣重修文廟記

翰林
侍講張天瑞清平人

今天子卽位改元宏治春三月上旬吉視學先期命有司修飭廟學蓋崇儒重道爲天下先卽古昔聖帝明王繼天立極君師億兆之盛意也亦將由此責天

下郡邑之有司其亦當仰體聖明於萬一哉廣靈邑屬雲中戰國代地也國朝宣德間卽有廟學以隆祀事資師生講習時就簡畧規制弗稱月日邁征寢就頽圯適東魯寧陽程侯來宰是邑滌篆餘卽謁學展禮先聖先賢已而進諸生暨儒師詢廟學廢置訖旋卽視事蓋中已有定規不預言也爰考滿政通人和年穀乃登百廢斯舉工鳩不苦材庀孔良民無驚畏費有酌量始新大成殿爲間凡五深四丈廣六丈高如廣之半有奇瓦砌琉璃木飾青碧宣聖配哲悉以塑像次新戟門爲間三高二丈四尺廣三丈七尺東

西廡爲間各五深廣高如殿之半諸賢位悉易以木
主次新櫺星門爲間如戟門數明倫堂曰新時習二
齋亦如之而堂之左右翼以兩間爲廡房其一供宴
息其一貯史籍深廣高視殿制三之二儒學門則自
東移之櫺星門右與南山黃花嶺相直後踞城垣前
迎高阜左右闕壯視昔有加射圃則移之學宮之西
朔一亭曰觀德於號舍厨庫祭器罔不畢舉是役也
興工於宏治乙卯春三月落成於是歲秋七月吉其
寮案師生輩莫不相慶曰吾侯此舉一時之盛事矧
六事俱舉而此則六事中第一事不刻之石其奚以

傳乃介書於予爲之記惟曰凡有興作政必通人必和事乃克濟以侯之政事皆符其宜以侯之人民皆得其歡心以事人民既通且和如此所以仰體聖明崇儒重道尊師億兆之盛意而爲此聖賢祀事師生講習之盛舉豈獨爲之存於中者有素而其才之發於外者有爲殆不及此又况教化之所由行人才之所由出悉此焉賴使凡爲有司者皆若此則夫聖明之責望有司之職任其有不能仰副而畢舉者哉若侯之事功信可紀也遂備書俾刻之侯名觀字子昇以詩經擢成化丁酉鄉貢進士初授蒲州學正教

成晉今職云

重修文廟贊

小引

刑部魏象樞
尚書魏象樞人

聖道之大如日月經天如江河行地無微不通無幽
不照學者仰止宮牆自少至老日用飲食五常萬善
孰敢不敬守我孔子家法哉廣靈貧邑學廟久傾
絃誦間歇今邑侯焦公來蒞茲邑能知大體首先倡
捐而鼎新之以崇祀事課諸生典禮備文教興矣工
成屬余一言爲之贊贊曰讀聖經感人心學宮茂草
任銷沉修蘭若捐多金世俗江河已到今彈丸邑窮
子衿仰止宮牆歲月深瓦礫亂風雨侵補葺還愁力

不任嗟乎嗟乎事其事空谷音

重修學廟片

譚

愷

邑人通判

學宮治平也三代而下稱盛世者莫若建武光武息馬論道親祀闕里傳至孝明臨離拜老執經陞座園橋門而觀者冠帶雜還故一時風物莫不炳炳燐燐焉推之郡國下邑各立學校則任茲土者不惟簿書期會而已必以教化爲大務俾君子由以育其材小人亦以輯其志焉豈在廟貌櫟桷云爾哉廣靈菁莪蔚興英賢繼起其由來尚矣近年兵燹頻仍凶荒疊見士子謀身尚且不遑奚暇計及學宮

乎仰瞻廟宇大成殿墜瓦飛鴛四維雖尚可支亦難
免風穿雨濕之虞兩廡俱斜欹將仆數椽零亂再觀
戟門櫺星門暨鄉賢名宦兩祠棟折宇摧垣頽壁破
牛羊伺以爲圃市人走以成衢肅穆文明之地竟爲
茂草瓦礫之場矣邑人士雖歛歔感嘆終不敢輕爲
修舉邑侯焦公甫下車謁廟目覩心慘慨然以修葺
爲已任爰集紳衿而謀之予焉先捐其貲因思工程
浩大物力艱難非藉衆助莫能成也諸士志不忘本
無拘多寡隨其力之所至而樂輸之庀材鳩工亦能
次第就理將見廟貌新則禋祀肅教化廣則德業進